



ԱՄԵՆԱՅՆ ՀԱՅՈՅ ՎԵՀԱՓԱՌ ՀԱՅՐԱՊԵՏԻ
ՇՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈՂՈՐ
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն»:

Այսօր երկինք և երկիր միանում են հրեշտակների երգովը անմասն, որ ավետում է աշխարհին ծնունդը Որդւոյն Աստուծո, Փրկիչը ազգի մարդկան:

Այսօր հոսում լի սրտերը բոլոր մարդկանց, բոլոր ժողովուրդների դեպի երկինք են բարձրացնում իրենց աղոթքները խնկարույր, աղերսելով երկնքից, որ «խաղաղութեան և ի մարդիկ հաճութեան» պատգամը փրկաբար լուսավորի կրօնքի հորիզոնը մեր օրերի ուղեկորույս մարդկության, և ազգերը բոլոր գրանեն իրավ ճանապարհը համերաշխ ու արդար գոյակցության, որ դարավոր երազանքն է նաև մեր Մայր Եկեղեցու և քանի՜-քանի անգամ եղեռն տեսած մեր ժողովրդի:

Այս աղոթքով ու այս սուրբ սպասումներով ոգեշնչված, ողջունում ենք Նոր տարին և ավետում Ձեզ՝ հրաշալի ծնունդը «խաղաղութեան իշխան» Փրկչին մեր Քրիստոսի, մաղթելով Ձեզ, Սուրբ Աթոռիդ միաբանությանը, թեմական-եկեղեցական վարչական մարմիններին և համայն ձեր հավատացյալ ժողովրդին, կենաց արևոտ ու խաղաղ բազում տարիներ ու եկեղեցւոյն հոգեշահ իրագործումներ, բերելով բոլորին տիրականը կենարար օրհնություններ Մայր Աթոռ Սուրբ Էջմիածնից:

Եղբայրական սիրո ողջուններով՝

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՒԿՈՍ
ԱՄԵՆԱՅՆ ՀԱՅՈՅ

*
* *

Ամանորի և Սուրբ Ծննդյան տոների առթիվ Ամենայն Հայոց Վեհափառ Հայրապետի անունով ստացվեցին ամենաշերմ և հարգալից պզանմունքներով պեղուն բազմաթիվ շնորհավորական հեռագրեր և նամակներ մեր նվիրույթական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերս շնորհակալություն ենք հայտնում ստացված պատասխան շնորհավորականների համար:

